

TOUAZIÈM PATI

Lavi nan Kris-la

PRÉMIÉ SÉKSION

Vokasion moun-nan : lavi nan Éspri-a

TOUAZIÈM CHAPIT

Bondié sové nou: laloua-a ak lagras-la

ATIK 2

Lagras-la épi viv kòrèk-la (Jistifikasion-an)

I. Viv nan nouvo jistis-la (Jistifikasion-an)

1987 Lagras Éspri-Sin-an gin fòs pou-l fè nou viv kòrèk (jistifié nou), sètadi,
734 pou-l lavé nou sot anba péché nou-yo épi kominiké nou jistis Bondié-a
palintèmediè lafoua nan Jézu-Kri-a (Rm 3, 22) épi Batèm-nan (cf. Rm 6,
3-4) :

« Konsa si nou mouri ansanm avèk Kris-la, nou kouè n-ap viv ansanm avèk
Kris-la tou, antan nou konnin Kris-la ki résisité sot nan pami mò-yo, li pap
mouri ankò, lanmò-a pap gin pouvoua sou li ankò. Sa-k mouri aléga péché-a,
li mouri yon foua pou tout ; sa k-ap viv-la minm, sé pou Bondié l-ap viv. Sé
konsa nou minm sé pou nou konsidéré nou mouri aléga péché-a, n-ap viv
pou Bondié nan Kris Jézu » (Rm 6, 8-11).

1988 Ak puisans Éspri-Sin-an, nou patisipé nan soufrans Kris-la, antan nou
654 mouri aléga péché-a, épi nan Rézireksion-l nan, antan nou pran nésans
pou nouvo lavi-a ; nou sé manb kò-li ki Égliz-la (cf. 1 Co 12), nou sé
branch ki gréfé nan pié rézin-an ki li-minm minm (cf. Jn 15, 1-4) :

460 « Sé gras a Éspri-a yo di nou patisipé nan Bondié. [...] Ak kominikasion
Éspri-a nou vîn asosyé nan natu Bondié-a [...]. Sé pa pou yon lòt kòz
réyèlman, moun Éspri-a anndan yo-a, yo vîn tounin Bondié (divinisé) » (S.
Athanase, ep. Serap. 1, 24 : PG 26, 585B).

- 1989
1427 Prémie travay lagras Éspri-Sin-an sé *konvèision*-an ki réalizé jistikasyon-an dapré sa Jézu anonse nan kòmansman Évanjil-la : « Fè pénitans ; paské péyi-roua sièl-yo toupré » (Mt 4, 17). Anba élan lagras-la, moun-nan viré nan diréksion Bondié épi li viré do bay péché-a, konsa li résévoua padon ak jistis sot anro-a. « Jistikasyon-an [...] sé pa sèlman padon péché-yo, min sanktifikasyon-an tou épi rénovèlman moun-nan sou paranndan » (Cc. Trente : DS 1528).
- 1990
1446
1733 Jistikasyon-an *détaché moun-nan anba péché-a* ki kontrè ak rinmin pou Bondié-a épi li pròpté kè-l sot nan péché-a. Jistikasyon-an suiv inisiativ mizérikòd Bondié-a ki ofri padon-an. Li rékonsilié moun-nan ak Bondié. Li libéré épi géri anba ésklavaj péché-a.
- 1991
1812 Jistikasyon-an, an minm tan, sé *akéyi jistis Bondié-a* palintèmediè lafoua nan Jézu-Kri. La-a, jistis-la vlé di douati rinmin pou Bondié-a. Ansanm ak jistikasyon-an, lafoua-a, éspérans-la ak charité-a vidé nan kè nou-yo, épi yo ba nou obéyisans pou volonté Bondié-a.
- 1992
617
1266
294 Sé *soufrans Kris-la ki mérité* jistikasyon-an pou nou, li-minm ki ofri pròp tèt-li sou koua-a kòm yon sakrifis ki vivan, ki sin épi ki fè Bondié plézi, épi san-l vîn tounin mouayin pou jouinn padon (instrument de propitiation) pou péché tout moun-yo. Yo bay jistikasyon-an palintèmediè Batèm-nan, sakréman lafoua-a. Li konfòmé nou ak jistis Bondié-a, li-minm ki fè nou kòrèk (justes) sou paranndan palintèmediè puisans mizérikòd li-a. Jistikasyon-an gin kòm finalité gloua Bondié épi Kris-la, épi kado lavi pou tout tan-an (cf. Cc. Trente : DS 1529) :
- « Koulié-a san laloua-a jistis Bondié-a parèt, laloua-a ak profèt-yo sèvi-l témouin, jistis Bondié-a minm gras a lafoua Jézu-Kri-a, nan tout moun ki kouè. Sèké pa gin distinksiyon : tout moun fè péché, yo pa gin gloua Bondié-a ; yo vîn kòrèk gratis, pa pouvoua gras li-a, pa pouvoua rédanmsion-an ki nan Kris Jézu. Li minm Bondié té ékspozé davans kòm padon gras a lafoua nan san-l, pou montré jistis-li antan li padonnin péché ki té fèt anvan yo, nan pasians Bondié, pou montré jistis-li nan tan sa-a ; pou-l kapab kòrèk li-minm, pou-l fè sa-k mété lafoua nan Jézu-Kri-a vîn kòrèk » (Rm 3, 21-26).
- 1993
2008 Jistikasyon-an établi *kolaborasion ant lagras Bondié-a épi libèté moun-nan*. Sou bò moun-nan, li éksprimé nan konsantman lafoua-a aléga paròl Bondié-a ki invité-l pou-l konvèti, épi nan kolaborasion charité-a aléga élan Éspri-Sin-an ki vini anvan konsantman-an épi ki konsèvé-l :
- 2068 « Konsa antan Bondié touché kè moun-nan gras a limiè Éspri-Sin-an, sé pa kòm si moun-nan li-minm pa fè anyin ditou antan-l résévoua inspirasion sa-a, paské li kapab réjité-l, ni non plis, san lagras Bondié-a, moun-nan t-a kapab mété pròp tèt-li an mouvman nan diréksion jistis ki dévan-l nan ak lib volonté-l la » (Cc. Trente : DS 1525).
- 1994 Jistikasyon-an sé *pi bon travay rinmin Bondié-a* ki manifésté nan Kris Jézu épi yo ba nou palintèmediè Éspri-Sin-an. Sint Ogustin konsidéré

- 312 jistifikasyon moun ki pa kòrèk-la kòm yon travay « ki totalman pi gran
[...] pasé sièl-la ak tè-a [...]. Sièl-la réyèlman ni tè-a ap pasé ; min sovè
412 sa-k prédéstiné-yo sovè-a épi jistifikasyon-an ap rété pèmanan » (ev. Jo.
72, 3). Li konsidéré tou jistifikasyon péchè-a dépasé kréasyon anj-yo nan
jistis-la poutèt li témouagné yon mizérikiòd ki pi gran.
- 1995 Éspri-Sin-an sé mèt sou paranndan-an. Jistifikasyon-an, antan-l fè
741 « moun sou paranndan-an » pran nésans-la (Rm 7, 22 ; Ep 3, 16), li
inpliké *sanktifikasyon* tout moun-nan nèt :
- « Minm jan nou té ofri manb nou-yo nan sèvis sa ki pa pròp, ki pa kòrèk-la,
pou mal-la, konsa tou koulié-a, ofri manb nou-yo nan sèvis jistis-la pou nou
vîn sin. [...] Koulié-a minm nou libéré parapò a péché-a, nou vîn tounin
sèvitè Bondié, nou gin frui nou nan sa-k fè nou vîn sin-an, finisman-an sé
lavi tout tan-an ! » (Rm 6, 19. 22).

II. Lagras-la

- 1996 Sé nan lagras Bondié-a jistifikasyon nou-an soti. Gras-la sé *favè, sékou*
153 *gratis* Bondié ba nou pou nou ka réponn apèl li fè nou-an : tounin pitit
Bondié (cf. Jn 1, 12-18), pitit adoptif (cf. Rm 8, 14-17), patisipé nan natu
Bondié-a (cf. 2 P 1, 3-4) épi nan lavi pou tout tan-an (cf. Jn 17, 3).
- 1997 Lagras-la sé yon *patisipasyon nan lavi Bondié-a*, li introdui nou nan
375, 260 intimité lavi Trinité-a : palintèmediè Batèm-nan, krétyin-an patisipé nan
lagras Kris-la, ki Tèt kò li-a. Tankou « pitit adoptif », apati lè sa-a li kapab
rélé Bondié « Papa » ansanm ak sèl Pitit-la. Li résévoua lavi Éspri-a ki
souflé charité-a nan li épi ki fòmé l'Égliz-la.
- 1998 Apèl pou lavi pou tout tan sa-a li *supernatèl*, li dépasé natu-a. Li
1719 dépann totalman dé inisiativ gratis Bondié, paské sé li-minm sèl ki kapab
révéle épi bay pròp tèt-li. Li dépasé kapasité intèlijans-la épi fòs volonté
moun-nan, tankou pa tout kréatu-yo (cf. 1 Co 2, 7-9).
- 1999 Lagras Kris-la sé yon kado gratis Bondié ba nou, li vidé lavi li-a
1966 palintèmediè Éspri-Sin-an nan nanm-nou pou-l géri-l anba péché-a épi
sanktifié-l : sé *lagras sanktifian-an* (ki fè nou vîn sin-an) oubyin *déifian-*
an (ki fè nou sanblé ak Bondié), yo résévoua nan Batèm-nan. Nan nou li
sé sous travay sanktifikasyon-an (cf. Jn 4, 14 ; 7, 38-39) :
- « Si gin yon nouvo kréatu nan Kris-la, ansyin-an pasé min sé nouvo ki fèt.
Min tout bagay vîn sot nan Bondié, li minm ki rékonsilié nou pa lintèmediè
Kris-la » (2 Co 5, 17-18).
- 2000 Lagras ki sanktifié-a sé yon don abituèl, yon dispozision stab épi
supernatèl (ki dépasé natu-a) ki pèfeksioné nanm-nan pou-l fè-l kapab viv
avèk Bondié épi aji poutèt rinmin-l nan. Sé pou yo distingé *lagras abituèl-*

la, dispozision pèmanan pou viv épi aji dapré apèl Bondié-a, épi *lagras aktuèl-yo* ki dézigné intèvansion Bondié soua nan kòmansman konvèsion-an soua nan déroulman travay sanktifikasyon-an.

2001 *Préparation moun-nan* pou-l réservoua *lagras-la* sé déjà travay *lagras-la*. Sa-a nésésè pou-l révèyé épi soutni kolaborasion-nou nan jistikasyon-an palintèmediè lafoua-a épi sanktifikasyon-an palintèmediè charité-a. Bondié fîn réalisé sa-l kòmansé nan nou, « paské li kòmansé travay pou nou kapab vlé, li fîn réalisé antan-l kolaboré ak sa-k vlé-yo » (S. Augustin, grat. 17 : PL 44, 901) :

« Koté nou minm tou n-ap travay, an réalté sé antan Li-minm l-ap travay nou kolaboré avèk li, paské mizériköd li-a pran dévan nou. Min li pran dévan pou nou kapab géri, paské li suiv nou tou pou apré nou fîn géri nou gin lavi ; li pran dévan pou-l rélé nou, li suiv nou pou-l glorifié nou ; li pran dévan, pou nou viv nan piété, li suiv nou pou nou toujou viv avèk li, paské san li nou pa kapab fè anyin » (S. Augustin, nat. et grat. 31 : PL 44, 264).

2002 *Lib inisiativ Bondié-a égzijé répons lib moun-nan*, paské Bondié kréyé *moun-nan* dapré pòtré-l, épi li ba li, avèk libèté-a, pouvoua pou-l konnin-l épi rinmin-l. Sé sèlman yon fason lib nanm-nan antré nan kominion rinmin-an. Bondié touché kè *moun-nan* imédiatman épi li mété-l an mouvman dirèktéman. Nan *moun-nan* li té mété souaf vérité-a ak byin-an sa li-minm sèl kapab konblé-a. Promès « lavi pou tout tan-an » korésponn ak souaf sa-a, pi louin pasé tout éspérans :

« Poutèt ou-minm apré travay ou-yo ki té bon anpil, – minm si ou té fè yo an répo, – ou té répozé sètièm jou-a, sé palé ou té palé davans avèk nou nan voua Liv ou-a, pou nou-minm tou apré travay nou-yo minmsi yo bon anpil, paské sé ou-minm ki ba nou yo, n-a répozé nan saba lavi pou tout tan-an avèk ou » (S. Augustin, conf. 13, 36. 38).

2003 *Lagras-la toudabò épi prinsipalman sé kado Éspri-a ki jistiké nou épi sanktifé nou*. Min *lagras-la* gin ladan-l tou kado Éspri-a fè nou pou asosyé nou ak travay li-a, pou-l fè nou vîn kapab kolaboré nan sovè lèt-yo épi nan kouasans kò Kris-la, Égliz-la. Sa-yo sé *lagras sakramantèl-yo*, kado ki pròp pou diféran sakréman-yo. An plis gin *lagras spésial-yo*, yo rélé yo tou *karism* dapré paròl grèk sin Pòl té anplouayé-a, ki vlé di favè, kado gratis, byinfè (cf. LG 12). Kèlkésoua karaktè yo ginyin, pafoua ékstraòdinè, tankou mirak-yo oubyin don lang-yo, karism-yo orienté nan *lagras santifian-an* (ki fè vîn sin-an), épi finalité yo ginyin sé byin komin l'Égliz-la. Yo nan sèvis charité-a k-ap bati l'Égliz-la (cf. 1 Co 12).

2004 Pami *lagras spésial-yo*, yo doué sité *lagras-d-éta* yo ki akonpagné égzèsis réponsabilité lavi krétyin-an épi ministè-yo nan l'Égliz-la :

« Antan nou gin kado dapré gras yo ba nou-an, kado sa-yo divès : soua sé profési, sèlon mézi lafoua-a ; soua sé sèvis-la, antan y-ap sèvi ; soua sé moun k-ap anségné-a, nan doktrîn nan ; soua moun k-ap ankourajé-a, antan l-ap

ankourajé ; moun k-ap bay-la, nan sinplisité ; moun k-ap dirijé-a, antan-l ap mété aktivité ; moun k-ap pran pitié-a, antan li gin bon jan » (Rm 12, 6-8).

2005 Lagras-la, kòm li surnaturèl, *li chapé anba ékspérians-nou* épi sé sèlman palintèmediè lafoua-a yo kapab konnin-l. Sé poutèt sa nou pa kapab apuiyé sou santiman nanm-nou oubyin sou aktivité nou-yo pou apati sa nou konsidéré nou jistifié oubyin nou sové (cf. Cc. Trente : DS 1533-1534). Poutan dapré paròl Granmèt-la : « Sé nan frui yo n-ap rékonèt yo » (Mt 7, 20), konsidèrasion byinfè Bondié-yo nan lavi-nou épi nan lavi sin-yo ofri nou yon garanti lagras-la ap travay nan nou épi ap pousé nou nan yon lafoua ki toujou pi gran épi nan dispozision konfians moun ki pòv-la.

Youn nan pi bèl égzanp dispozision sa-a yo jouinn li nan répons sint Jàn d'Ark té bay késion pièj jij ékléziastik-yo té pozé-l la : « Antan yo mandé-l èské li konnin si-l nan lagras Bondié ; li réponn : “Si-m pa landan-l, sé pou Bondié mété-m ladan-l ; si-m ladan-l, sé pou Bondié kinbé-m ladan-l” » (Jeanne d'Arc, proc.).

III. Mérit-la

« Sé pou ou, tout zanmi-ou yo ki nan sièl rasanblé, pou yo fè louanj. Lè-ou rékonpansé yo pou sa yo fè, sé pou pròp kado pa-ou, ou rékonpansé yo » (MR, Préfas sin-yo k-ap sité « Doktè lagras-la » S. Ogustin, Psal. 102, 7).

2006 Mo « mérit »-la dézigné an jénéral sa yon kominoté oubyin yon sosiété
1723 *doué rinmèt* youn nan manb li-yo poutèt aksion li fè soua kòm yon byin
1807 soua kòm yon mal, yo ouè ki dign pou rékonpans oubyin chatiman. Mérit-la fè pati vèrtu jistis-la dapré prinsip égalité-a ki dirijé-l la.

2007 Dévan Bondié, o sans strikt jistis-la, moun-nan pa gin mérit. Ant li-
42 minm ak nou-minm inégalité-a pa gin mézi, paské nou résévoua tout bagay sot nan min-l, Kréatè nou-an.

2008 Mérit moun-nan dévan Bondié nan lavi krétyin-an li soti nan *Bondié ki*
306 *té desidé libréman asosié moun-nan nan travay lagras li-a*. Aksion Bondié kòm papa palintèmediè élan li bay-la sé li ki premié, épi travay moun-nan ki kolaboré libréman-an li dézièm, yon fason pou mérit bon aksion-yo sé bay lagras Bondié-a an premié yon doué rapòté yo, épi apré bay fidèl-yo. Dayè, mérit moun-nan li-minm rétownin nan Bondié, paské bon aksion-l yo nan Kris-la soti nan inisiativ ak sékou Éspri-Sin-an.
155, 970

2009 Adopsion kòm pitit-la, antan-l fè nou patisipé palintèmediè lagras-la nan natu Bondié-a, dapré jistis gratis Bondié-a, kapab ba nou *véritab mérit*. La-a sé yon doua palintèmediè lagras-la, yon doua ki plin rinmin, ki fè nou « éritié ansanm » ak Kris-la épi dign pou nou rivé jouinn éritaj lavi pou tout tan-an yo promèt-la (Cc. Trente : DS 1546). Mérit bon aksion nou-yo sé kado bonté Bondié-a (cf. Cc. Trente : DS 1548). « Yo té bay

- 604 lagras-la anvan, koulié-a nou rinmèt sa nou doué-a. [...] Kado Bondié-yo sé mérit ou-yo » (S. Augustin, serm. 298, 4-5 : PL 38, 1367).
- 2010 Kòm inisiativ-la nan domèn lagras-la sé pou Bondié li-yé nan
1998 konvèsion-an, ki nan orijîn padon-an ak jistikasyon-an, *pèsonn pa kapab mérité premié gras-la*. Anba Éspri-Sin-an ak élan charité-a, *nou kapab apati sa mérité* pou nou-minm épi pou lòt-yo lagras ki itil pou sanktifikasyon-nou, pou ogmantasyon lagras-la épi charité-a, tankou pou rivé jouinn lavi pou tout tan-an. Byin tanporèl-yo tou, tankou santé, amitié, dapré sajès Bondié, nou kapab mérité yo. Lagras sa-yo ak kado sa-yo fè pati sa priyè krétyin-an ap mandé. Priyè-a prévoua sa lagras nou bézouin pou aksion k-ap gin mérit-yo.
- 2011 *Charité Kris-la nan nou sé sous tout mérit nou-yo* dévan Bondié.
492 Lagras-la, antan-l fè nou fè youn ak Kris-la nan yon rinmin ki aktif, li bay aksion nou-yo yon kalité surnaturèl épi, an konsékans, li ba yo mérit dévan Bondié ak dévan moun-yo. Sin-yo té toujou gin konsians klè mérit yo sé té tou sinpléman yon lagras :
- 1460 « Apré égzil tè sa-a, m-éspéré m-pral jouinn ou nan Patri-a pou-m joi prézans ou, min mouin pa vlé ranmasé mérit pou sièl-la, mouin vlé travay poutèt *rinmin-ou nan sèlman* [...]. Nan asoué lavi sa-a m-ap parèt ak min-m vid dévan-ou, mouin pap mandé-ou, Granmèt, pou konté aksion-m yo. Tout jistis-nou dévan jé-ou gin tach. Sé poutèt sa mouin vlé abiyé ak pròp *jistis* ou-a épi résévoua nan min *rinmin-ou* nan pou-m posédé *Ou-minm minm* pou pout tan... » (S. Thérèse de l'Enfant-Jésus, offr.).

IV. Viv sin-an kòm krétyin (La sainteté chrétienne)

- 2012 « Pou moun yo ki rinmin Bondié, tout bagay sèvi pou byin yo [...].
459 Réyèlman, sa-a yo li té chouazi davans-yo, li té paré plas yo davans tou, pou yo vîn moulé nan pòtré Pitit li-a, pou li-minm li vîn tounin premié pitit nan pami tout foul frè-yo ; sa-yo li té déstiné davans-yo, li té rélé yo tou ; épi sa-yo li té rélé-a, li té jistiké yo tou ; sa-yo minm li té jistiké-a, li té ba yo gloua-a tou » (Rm 8, 28-30).
- 2013 « Yo rélé tout fidèl Kris-la kèlkésoua éta oubyin ran yo ginyin pou
915, 2545 plénitud lavi krétyin-an épi pèfeksion charité-a » (LG 40). Yo rélé yo tout
825 pou yo vîn sin : « Sé pou nou kòrèk nèt, tankou Papa-nou ki nan sièl-la li kòrèk nèt » (Mt 5, 48) :
- « Sé pou fidèl-yo anplouayé fòs yo résévoua dapré mézi kado Kris-la pou yo rivé jouin pèfeksion-an, pou [...] antan yo obéyi volonté Papa-a nan tout bagay, yo dévoué tèt yo pou gloua Bondié épi sèvis prochin-an ak tout nanm yo. Konsa viv pèp Bondié-a ap viv sin-an ap dévlopé nan donnin anpil frui, tankou istoua l'Égliz-la témouagné sa an kantité palintèmediè lavi tout pakèt sin-yo » (LG 40).

- 2014
774 Tandans progrè spirituèl-la sé toujou fè youn pi plis ak Kris-la. Union sa-a yo rélé-l « mistik », paské li patisipé nan mistè Kris-la palintèmediè sakréman-yo – « mistè ki sin-yo » – épi gras a Kris-la, nan mistè Trè Sint Trinité-a. Bondié rélé nou tout nan inion intim sa-a avèk li, minmsi lagras spésial oubyin sign ékstraòdinè lavi mistik sa-a sé sèlman kèk moun yo bay yo, pou manifésté kado gratis yo fè tout moun-yo.
- 2015
407, 2725
1438 Chémin pèféksion-an pasé nan koua-a. Pa gin mouayin viv sin san rénonsman épi san konba spirituèl (cf. 2 Tm 4). Progrè spirituèl-la inpliké disiplin (ascèse) épi mòtifikasyon ki kondui ofiamézi pou viv nan lapè ak lajoua béatitud-yo :
- « Moun k-ap monté-a pa janm sispann alé antan-l pran kòmansman apati kòmansman, ni pèféksion-an pa janm fin fèt nan li pou sa-k toujou pi gran pasé kòmansman-an. Moun k-ap monté-a pa janm sispann anvi sa-l déjà konnin yo » (S. Grégoire de Nysse, hom. in Cant. 8 : PG 44, 941C).
- 2016
162, 1821
1274 Pitit Manman-nou, sint Égliz-la, gin rézon espéré jouinn *lagras pèsévérans final-la épi rékonpans-la* nan min Bondié Papa yo-a poutèt bon aksion yo té fè avèk lagras-li nan kominion ak Jézu (cf. Cc. Trente : DS 1576). Antan yo kinbé minm règ lavi, moun ki kouè-yo patajé « kontantman espérans » moun sa-yo mizèrikòd Bondié rasanblé nan « Vil ki sin-an, Jérusalèm nouvo-a, k-ap désann sot nan sièl-la kot Bondié-a, ki abiyé tankou yon fi k-ap marié ki anbéli pou mari-l » (Ap 21, 2).

RÉZIMÉ

- 2017 *Lagras Éspri-Sin-an ba nou jistis Bondié-a. Antan Éspri-Sin-an fè nou fè youn ak soufrans épi rézirkasyon Kris-la palintèmediè lafoua-a ak Batèm-nan, li fè nou patisipé nan lavi-li.*
- 2018 *Jistifikasyon-an, minm jan ak konvèsion-an, prezanté dé aspè. Anba élan lagras-la, moun-nan viré nan diréksion Bondié épi li viré do bay péché-a, konsa li résevoua padon ak jistis ki sot anro-a.*
- 2019 *Jistifikasyon-an inpliké padon péché-yo, sanktifikasyon-an épi rénovèlman moun-nan sou paranndan.*
- 2020 *Jistifikasyon-an sé Kris-la ki mérité-l pou nou palintèmediè soufrans-la. Yo ba nou-l nan Batèm-nan. Li konfòmé nou ak jistis Bondié-a ki fè nou kòrèk. Li gin kòm finalité gloua Bondié ak gloua Kris-la épi kado lavi pou tout tan-an. Sé pi bon travay mizèrikòd Bondié fè.*
- 2021 *Lagras-la sé sékou Bondié ba nou pou nou kapab réponn apèl li fè nou pou-n tounin pitit li. Li fè nou antré nan intimité lavi Trinité-a.*

- 2022 *Inisiativ Bondié nan travay lagras-la pran dévan répons lib mounnan, li préparé-l épi li révéyé-l. Lagras-la korésonn ak souaf ki nan fon libète mounnan ; li rélé-l pou-l kolaboré avèk li épi li pèfeksioné-l.*
- 2023 *Lagras sanktifian-an (ki fè nou vîn sin-an) sé kado gratis lavi-li Bondié fè nou, antan Éspri-Sin-an vidé-l nan nanm-nou pou-l géri-l anba péché-a épi sanktifé-l.*
- 2024 *Lagras sanktifian-an fè nou « agréab pou Bondié ». Karism-yo, lagras spésial Éspri-Sin-an, yo orianté pou lagras k-ap fè vîn sin-an (sanktifian-an) épi yo gin kòm finalité byin komin l'Égliz-la. Bondié aji tou palintèmediè anpil lagras aktuèl yo doué distingé parapò a lagras abituèl-la ki rété pèmanan nan nou.*
- 2025 *Pa gin mérit pou nou dévan Bondié sof sa ki suiv désizyon lib Bondié-a pou-l asosyé mounnan nan travay lagras li-a. Mérit-la sé toudabò pou lagras Bondié-a, épi apré sa pou kolaborasion mounnan. Mérit mounnan rétounin al jouinn Bondié.*
- 2026 *Poutèt adopsion-nou kòm pitit, lagras Éspri-Sin-an kapab ba nou mérit tout bon dapré jistis gratis Bondié-a. Charité-a nan nou sé prinsipal sous mérit dévan Bondié.*
- 2027 *Pèsonn pa kapab mérité premié gras-la ki orijîn konvèsion-an. Anba élan Éspri-Sin-an nou kapab mérité pou nou-minm épi pou lòt-yo lagras ki itil pou rivé nan lavi pou tout tan-an, tankou pou byin tanporèl ki nésésè-yo.*
- 2028 *« Yo rélé tout fidèl Kris-la kèlkésoua éta oubyin ran yo t-a ginyin pou plénitud lavi krétyin-an épi pèfeksion charité-a » (LG 40). « Nan vèrtu-a minm nou aprann nan min Apot-la limit pèfeksion-an sèké li pa gin okinn limit nan li » (S. Grégoire de Nysse, v. Mos. : PG 44, 300D).*
- 2029 *« Si yon moun vlé vîn apré-m, sé pou-l rénonse pròp tèt-li, pou-l pran koua-l, pou-l suiv mouin. » (Mt 16, 24).*